



Na osnovu člana 18. i 66.stav 2. Statuta Općine Maglaj („Službene novine općine Maglaj“, broj: 8/07, 3/08 i 6/08), Budžeta općine Maglaj za 2020. godinu i Odluke o izvršavanju Budžeta općine Maglaj za 2019. godinu („Službene novine općine Maglaj“, broj: 11/19), a na prijedlog Službe za boračko-invalidsku i socijalnu zaštitu, opću upravu i društvene djelatnosti, Općinsko vijeće Maglaj na sjednici održanoj dana _____2020.godine, d o n o s i

ODLUKU

o dodjeli studentskih stipendija redovnim studentima I i II ciklusa studija sa područja općine Maglaj za akademsku 2019/2020. godinu

Član 1.

U Odluci o izmjenama i dopunama Budžeta Općine Maglaj za 2020. Godinu planirana su sredstva u iznosu od 30.000,00 KM za dodjelu studentskih stipendija redovnim studentima I i II ciklusa studija sa područja općine Maglaj za akademsku 2019/2020. godinu.

Član 2.

Iz planiranih sredstava, a na osnovu Kriterija za dodjelu stipendija redovnim studentima I i II ciklusa studija sa područja općine Maglaj za akademsku 2019/2020. godinu bit će dodijeljen onoliki broj stipendija koje ne budu dodjeljene na višim nivoima vlasti kod Ministarstva za boračka pitanja i Ministarstva za obrazovanje, nauku, kulturu i sport Zeničko-dobojskog kantona . Isplata studentskih stipendija vršit će se u skladu sa Budžetom općine Maglaj, a na osnovu posebno donesenih Odluka o isplati istih od strane načelnika općine.

Član 3.

Služba za boračko-invalidsku i socijalnu zaštitu, opću upravu i društvene djelatnosti raspisat će Konkurs za dodjelu stipendija, a Komisija imenovana od strane načelnika općine provest će propisanu proceduru i utvrditi spisak studenata za dodjelu stipendija.

Član 4.

Za realizaciju ove Odluke zadužuju se Služba za boračko-invalidsku i socijalnu zaštitu, opću upravu i društvene djelatnosti i Služba za privredu, finansije i razvoj poduzetništva.

Član 5.

Ova Odluka stupa na snagu danom donošenja i ima se objaviti u „Službenim novinama općine Maglaj“.

Broj:
Maglaj,

PREDSJEDAVAJUĆA OV
Svjetlana Zamboni